

略 般刺薩略 般刺薩略 毗薩略毗薩
略 薩縛度沙阿波揭帝 莎訶

佛說如是一切佛心具大威德陀羅尼已即
時三千大千世界大地大海妙高山王一切
同時十八震動諸天宮殿皆悉傾搖兇悖魔
軍威光失滅相顧惶恐戰懼懷憂時三千界
行四
所應度者驚覩此相俱三失聲惟諸天衆信
三寶者歡喜踊躍各捧天華遙散佛上兼勸
衆魔歸依佛法爾時世尊告諸菩薩吾今愍
念一切有情說陀羅尼令脫苦難宜正憶念

宣布世間皆令受持獲勝利樂時諸菩薩及
餘衆會皆大歡喜信受奉行

諸佛心陀羅尼經

拔濟苦難陀羅尼經一名勝勝律
生淨土經

唐三藏法師玄奘奉 詔譯

如是我聞一時薄伽梵在室羅筏住誓多林
給孤獨園與無央數聲聞菩薩摩訶薩俱及
諸天人阿素洛等無量大衆前後圍繞爾時

衆中有一菩薩名不可說功德莊嚴從座而起頂禮佛足合掌恭敬白佛言世尊今此世界無量有情煩惱因緣造諸惡業當墮地獄餓鬼傍生或天人中受諸劇苦唯願哀愍方便拔濟佛言善男子善哉善哉汝能哀愍一切有情作如是請諦聽諦聽吾行四今爲汝略說九拔濟衆苦方便善男子有佛世尊名爲不動如來應正等覺爲欲利樂諸有情故說陀羅尼令衆誦念陀羅尼曰

羯羯尼羯羯尼 魯折尼魯折尼 咄盧磔

尼 咄盧磔尼 恒邏薩尼 恒羅薩尼

般刺底喝那 般刺底喝那 薩縛羯莫般

藍般邏尼謎 莎訶

若有善男子善女人至誠敬禮不動如來應正等覺受持此咒先所造作五無間業四重十惡毀諸聖賢謗正法罪皆悉除滅臨命終時彼不動佛與諸菩薩來現其前稱讚慰喻令其歡喜復告之言今來迎汝應隨我往所從佛國彼命終已決定往生不動如來清淨佛土善男子復有世尊名滅惡趣王一名大

自在勝經如來應正等覺爲欲利樂諸有情
故說陀羅尼令衆誦念陀羅尼曰

輸達泥輸達泥 薩縛播波毗輸達泥 戌

睇毗戌睇 薩縛羯莫毗戌睇 莎訶

若有善男子善女人至誠禮敬滅惡趣王如

來應正等覺受持此咒萬四千劫常憶宿命

所在生處得丈夫身具足諸根深信因果善

諸技術妙解諸論好行惠施厭捨諸欲不造

惡業離諸危怖具正念慧衆所愛重常近善

友恒聞正法求菩提心曾無暫捨以諸功德

而自莊嚴具善律儀怖諸惡業恒無匱乏調

柔樂靜於天人中常受快樂速證無上正等

菩提終不退於十到彼岸常願利樂一切有

情諸所修行非專自利在所生處常得見佛

護持正法預賢聖衆時薄伽梵說此經已聲

聞菩薩及諸天人阿素洛等聞佛所說皆大

歡喜信受奉行

拔濟苦難陀羅尼經